



Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко” Крыница.

Всіх читателів, котрі не ввели ще пренумерату, просимо вирівняти якнайскорше рахунки.

Пренумерата в краю:
30 грошей місячно,
80 „ квартално
1.50 „ полрочно,
3 зл. рочно.

В Америкі: 1 дол. рочно.

В Чехословаччині:
2 кор. місячно, 10 кор. полрочно,
20 кор. рочно.

Ціни оголошень:
Ціла сторона 120 зл., 1/2 сто-
роны 60 зл., 1/4 стороны 35 зл.,
1/8 стор. 20 зл., 1/16 стор. 10 зл.;
оголошення малы за 1 мм. 20 гр.,
в тексті 30 гр., перед текстом
40 гр. При місячній і довшій
оголошенню значна знижка.

Конто чекове Нр. 404.155.

Так потрафят лем украинцы!

Же украинцы не брыдять ся брехньом и прибігають ку ней в разі потреби, о том знає каждый, але того, што подає „Земля і Воля” в Ч. 24. п. з. „Безпредільне хамство” переходить уж всякы формы приличия.

Пам'ятають всі старші 1914. рок. Пам'ятають, як то по наших лемковських селах ходили австрійські жандарми, кули в кайдани наших руських людей и вивозили в далеки тюрми и карно-концентраційны табори. Пам'ятають также повішені на придорожних вербах жертвы українського доноса и плач матерей, жен, сестер и дітей, прашаючих своїх близьких сердцу людей. Пам'ятають тоты часы, коли здавало ся, же загине руське имя и же наши села замінят ся в отлюдны пустині.

И кто-ж то гнал наш руський народ на тоты муки и загубу, кто доносив на нас, кто свідчив фалшиво перед австрійським судом, кто тішил ся, же „на Лемковщині по вывезеню Дуркотов, Гнатышаков, Хилыков, Качмарчиков и других москвофилов”, запановала уж згода и братня любов?

Кто пам'ятає тоты страшны часы и кто хоч кус интересовал ся національним життям на Лемковщині и в цілої Галичині, тот знає, же всьому тому несчастью, яке пережив в тотчас руський народ, винни были в головной мірі украинцы. Они показовали нас австрійським жандармам, они кричали, же мы опасны „гохферетеры”, они свідчили ложно против нас, они мучили нас по тюрьмах и карно-концентраційных таборах. И доп'яли своєї цілі и могли ся в тотчас радовати, бо вербы аж угынали ся под тягаром неповинных жертв, а по таборах падали бідны узники и мерли як мухи, а в самом Талергофі, на кладбищі „под сосами” положило свои честны кости 1717 руських мучеников.

Кладбище того тепер знесено и на єго місци побудовано на могилах померших

жертв капличку, в котрой мала быти напись в честь померших мучеников.

* *

И ту начинат ся того нап'равду безпредільне хамство мазепинське, бо тоты самы люди, котры доносили на нас, паковали нас на муки в Талергоф и называли нас зрадниками — москвофилами, тепер хотят конечно переконати світ, же мучили ся и терпіли там украинцы и мають смілость поміщати свои безстыдны жадања в газетах.

* * *

Штобы каждый читатель сам мог осудити того хамство, подаєме дословно статью, яку помістили „Українські вісти” с 20 червня т.р. п. з. „Безмежна нікчемність”.

„В історії українського мучеництва має Талергоф своє місце. З тією назвою зв'язана мученицька стерть 1717 неповинных жертв московської інтриги, жертв нагінки ворогів українського руху, жертв рафінованих злочинців. Тих 1717 українських по крові одиниць, що зложили кости в жакливім концентраційнім таборі, стали символом національного страждання. Побіч найсвідомішого українського елемента, який загнали туди ворожі денунціанти, карались теж і ті брати, що їх московські платні агенти збаламутили, зробили знаряддям чужої, ворожої справи. Спільна братня могила на віки об'єднала нещасних і таким чином записала одну кроваву сторінку в історії наших визвольних змагань.

„Сьогодні слово Талергоф для нас значить стільки, що незагоєна рана. Та живуть іще, на жаль, платні наймити, ренегати, спричинники Талергофу й їх неславні нащадки, що з отого символу збірного страждання намагаються збити зрадницький капітальчик, використати для злочинної політики розбиття єдності української нації.

„І ідейне русофільство з 1918-им роком

скрахувало. В тому таборі залишилися лише ті, що для них царські чи совітські рублі чи злоті становлять єдину ідеологію. І як платні наймити — не перебирають у середниках, виконують свою нікчемну зрадницьку роботу з пасією ренегата — викидька. Нема місця, нагоди, обставин, де вони не пробували би занечистити атмосфери своїм отруйним чадом, сплюгавити добре имя України й її носців.

„Оце з Грацу отримали ми письмо від п. А. К. такого змісту:

„Грац 17 червня 1936. Високоповажаний Пане Редакторе! Хочу Вас повідомити про одну справу, що матиме вартість для Вашого часопису.

„Проф. Шмід, приятель українців, слявіст, звернувся до мене з проханням, переложити німецький текст напису, що має бути вміщений в капличці Талергофу біля Грацу на могилах померших українців. В нім. тесті було слово „Ruthenen”. Я розуміється змінив на „Ukrainer” і домагався виконати так напис. Це було 13. Червня. Як вказує письмо з 15. червня, справа показала ся не так простою. Мене завізвано до підполковника Ваніно, що займається будовою тої каплички і той заявив мені, що „Ukrainer” неможливо є написати, бо має зі Львова лист, де просят його, щоби під ніяким умовом не згодився на слово Ukrainer, бо така нація буцімто не існує. Це мене зацікавило і я попрохав ближче вияснення. Підполковник Ваніно показав мені радо все та вияснив, як дістав того славного листа та розповів, як справа стоїть з Талергофом. Там де колись був концентраційний табір і де похованих лежить 1717 нещасних дітей України, там будують тепер військову летунську площу і тому кости покійників зібрано в одне місце, а над ними побудовало міністерство військ. справ Австрії капличку і звернулося до польського уряду, щоби в той спосіб скомунікуватися з кимсь з українців. Варшава звернулася до... кацапів, а в висліді скандальне письмо, що його показав мені підполк. Ваніно. На самій горі кацапська печатка „Гал. Ком. во Львові”.

Дальше слідує копія обіцянок грошевої допомоги (цікавий я звідки?) і при кінці вершок нахабства: домагаються рутенської написі та негуюють існування української нації! (Дослівно: Wir verlangen im Auf-schrift ausdrücklich ruthenischen Nahmen und nicht ukrainischen, weil wir überhaupt Ukraine bestreiten, себто: жадаємо в написі виразно рускої а не української назви, бо ми Україну взагалі заперечаєм). Під таким „квіточком” підписані два галицькі хруні-ренегати: Др. Ваврик і Антон Гулла.

„Я переконував чужинця, що це є одиниці-ренегати, які галапасують на українським організмі, та він сказав мені: Чому ж ви позволяєте на це? Та на це я не знайшов відповіді, тільки в ухах гуде мені настирливо цей запит: Чому дозволяємо ми на це? Так хочеться, щоби вже вкінці всім членам нашої нації увертілося в мізок: Чому дозволяємо ми репрезентувати нас ренегатам та запродавцям? Чи вже не час виконати кацапський бурян зо всіх наших чи то духовних (Юр) чи то світських установ? Тоді може такі Ваврики Гулли замовкли б.

„Завдяки енергичній поставі голови Української Студ. Громади „Січ” — Чубатому, що телефонічно звернувся до Відня, стримано роботу напису і можемо сподіватися, що австрійська держава не захоче вразити почувань 45 міль. українського народу. А. К.”...

Українське хамство вийшло в вище наведеної статі так наглядно, же всякі коментарі уважаємо за непотребні.

Але народ повинен против такому хамству запротестувати і сказати публично, же не дозволит катам безпокоити святий спокій своїх жертв і безчестити їх доблестну пам'ять.

Нашим обов'язком єст почитати пам'ять невинних жертв через устрійство поминальних торжеств, на котрых слідує дати належитий отпор мазепинському хамству.

Похорон народных мучеников в Перемышлі.

Было то в 1914 р. Австрійскы жандармы ходят по хатах рускых селян добромилського повіта, куют людей в кайданы и под багнетами везут их до Перемышля.

Иде улицами Перемышля 44-ох skutых селян и входит на ул. Семирадского. Ту встрічає их отряд мадярских „героев”, ударят на них и рубат. Жуют ище в Перемышлі очевидцы, котры виділи, як серед насмішок австрійских посіпак и уличной толпы, набивали на вилы тіла порубаных на фалатки мучеников и складали на брудны возы, уживаиы перемышльским магистратом до вывоза сміта.

Так похоронено втотчас невинны жертвы австрійского варварства над нашим народом.

От того часу минат уж 22 роки. Однак не забыл ся сам факт мученической смерти наших братьов и сестер, котры втратили свое житє лем прото, же остали вірны своей вірі и своему рускому Народу.

Их памяти отдано дня 30-го червня т. р. в Перемышлі поклон, славу и честь и отслужено за души 44-ох мучеников

всенародны похороны.

Похоронный обряд начал ся о год. 8:30 ра-

но заупокойном соборном Службом Божом в гр. кат. катедральной церкви.

По Службі Божой о год. 10:30 отбыли ся при участии многочисленного народа самы похороны и перенесенє тлінных останков с дотеперешной могилы до гробницы. Над могилом отслужено парастасы и выго-лошено бесіды.

В торжестві приняло многочисленно участие доокрестне населенє, котре своим присутствием причинило ся до возвеличеня памяти дорогих мучеников.

Негус на засіданю Лиги Народов.

Дня 30. червня прибыл на засіданє Лиги Народов негус. Появленє ся єго на салі засіданя было получено со скандалом. Италиянскы журналисты начали свистати, што выкликало авантуру и битку на трибуні журналистов, котрой конец положила полиция, выпроваджаючи с салі италиянских журналистов.

На салі в том часі отозвали ся громкы рукоплескания, котры были выразом симпатии для негуса. Потом негус выголосил бесіду в амгарийском языке, продолжаючи ся 35 минут.

Швайцария вооружат ся.

Оден амерыканскый журналист помістил в новойорской газеті, же Німеччина за рок, або два буде так сильно вооружена, же літа 1937 и 1938 треба уважати за рішачий час в истории Европы.

Швайцария, край неутральный, хороненый самом природом, не находит ся в колизии с жадном европейском державом, але в виду напруженых политычных отношень в Европі, боит ся, же може ся стати перемаршовым тереноном для німецкой армии в случаю войны Німеччины с Франциом.

Тому дня 17. квітня т. р. Союзна Рада внесла до парламента проект закона о укріпленє охорони краю, котрый финансово выразил ся в сумі 235 миллионов франков. Єст то величезна сума, если возме ся под розвагу, же Швайцария має всього лем около 4 миллионы населения.

Половину той сумы перезначено на воздушну оборону краю, а другу половину на укріпленє фортов, артиллерии, техничных отділов и т. д.

Не буде дальше льгот податковых.

Як выникат с информацией міродательных финансовых властей, дотепер отписано дробным податникам перешло 108 миллионов зл. залежных скарбовых и самоуправных податков. С того 44 мил. припадат на залежности дробного грунтового податку и 38 мил. зл. на льокалевый податок.

Грубшим податникам отписано залежностей значно меньше, бо до дня 1. січня 1936. лем 32 миллионы зл., с чого около 12 мил. зл. припадат на податок промысловый.

Отписованє податков для грубших податников буде существовати до 1938. р. и буде зависиме от точной уплаты текущих податков и частичной уплаты залежностей.

В близкой будущности не предвиджует ся

жадных дальших льгот ани амортизаций о генеральном характері.

Арестованє инж. Адама Добошинского.

В ночи дчя 23. червня т. р. банда зложена со 150 людей, належачых до польской партии народной под проводом председателя той партии на повіт краковскый, властителя маєтку Хоровицы, инж. Адама Добошинского, напала на місто Мысленицы, обезоружила полицию, обрабовала помещканє Старосты, порабовала моц склепов и утекла в лісы, хотячи перебраться ку чехословацкой границі.

Сорганизована полиция погонь уняла часть участников, а самого вождя инж. Адама Добошинского арестовала недалеко границы чехословацкой и отставила до Кракова. При арестованю ранено Добошинского в руку. Добошинскому грозит кара до 15 літ тюрьмы.

Вырок в ділі українских терорыстов.

Дня 27. червня т. р. о год. 8-ой вечером, по 5 недільном процесі, оголошено, вырок в ділі українских терорыстов. Суд засудил Бандеру и Мигалья на пожизненну вязницу, Підгайного, Малюцу, Качмарского, Сенкова и Мащака — на 15 літ вязницы, Макарушку — на 4 літа, Спольского — на 4 літа и 8 місяцов, Зарицку, Пашкевича, Янова, Стецека, Яроша, Феника, Асыка и Равлика — на 2 літа и 6 місяцов, Шухевича, д-ра Гнатевича, Коцюмгу — на 2 літа.

Федак, Свенцицка и Рачун были освобождены. Всі кары подано с уважлєнєм змягченя кары на силі амнистии.

Всім оскаржєным вчислено инквизицийный арест.

Село бідніє.

Крызыс послідных літ отчули сильно всі класы нашего населения, але найглубше закоренила ся біда на селі у хлопа.

О той біді свідчит также статыстыка с ріжных школ.

Число учеников в школах промышленных и ремесельных увеличилось в прошлом року о 0.6 процент, в школах торговых и административных — о 0.2 процент.

Єст то, правда, прирост барз малый, але все же єст он доказом оживленя в промышленности, ремеслах и торговлі.

Тымчасом в рольничих школах єст совсем иначе. Ту число учеников с каждым роком маліє.

В року школьном 1933/34, пропорция учеников школ рольничих до учеников всіх школ фаховых выражала в 2.7 процентах, а уж в слідуючом році 1934/35. число тото упало до 2.4 процент. Тото уменьшенє числа учеников в школах рольничих и то в том часі, коли в других фаховых школах видиме увеличающий ся с каждым роком прирост числа учащых ся молодежи, даст ся пояснити лем тым, же село збідніло и хлоп не має грошей на науку для своего сына.

Видиме тото зрештом и в других школах. Число хлопских сынов в школах было все

невелике, але в останніх літах доплыв сільського елементу до шкіл єст чимраз менший.

Єст то явленє смутне и в послїдствах шкодливе, а зарадити тому можна лем через бурси, котры за низку оплату дають харч, помешканє и опеку учачой ся моло-

дежи. Але штобы бурси могли выполнити наложеный на них обовязок, мусиме всі прийти им с помочом. Мусиме при каждой нагодї зберати жертвы на бурси, мусиме оподатковати ся стало на тоту цїль, мусиме также дбати и о того, штобы в тых бурсах было якнайбольше талантливых хлопцов.

Кмин, яко промыслова рослина.

До пожиточных и невыкористаных рослин належит кмин.

Злучены Державы Полночної Амерыкы спроваджають каждого року много кмину, котрого уживають там до печива, в аптыкарском промыслі и до výroбу водок т. зв. кминковых. Дотепер Амерыка спроваджала кмин головно с Голандии, котра выторговала за кмин высокы цїны со взгляда на добрый гатунок товару.

С Польщи мало спроваджано кмину до Амерыкы, бо уважано єго за планьший (темнїйший и дробнїйший), не значит того однак, штобы Польша не могла здобыти американского рынка.

Условия сут в том році спеціально добры, бо в р. 1935. было кмину мало и тому цїна єго єст высока. Крім того Амерыка глядат тепер новых жерел кмину и интересує ся доставом также с Польщи, вартат аджек выкористати тот случай и подумати о годовлі и масовом збераню той пожиточной рослины, штобы здобыти собі американский рынок.

Годовля кмину має в Польщі велику будучность, бо запотребованє увеличат ся с каждым роком. Тымчасом однак належит организовать месове зберанє кмину, роснучого у нас дико по луках.

Насінє кмину дозріват в другой половині липня и в початках серпня. Кмин треба зберати в сухой день, коли насінє єст буре и дозріле. Зберат ся кмин над розстеленыма плахтами, на котры буде высыпавати ся зерно. Кмин стинаме серпом, або где єст велика плянтация косиме косами.

Не треба єго выривати с коренями, бо кмин, яко дволїтна рослина, може выдати плод 2 разы. Собраный кмин вяжеме в горсти и сушиме коло дому розстеленый на плахтах. Насінє достаєме через обите кыянками, омолоченє цїпами, або при помочи молотильні. Очищенє насінє треба добре высушити, шуфлюючи єго часто. Вымолоченый и высушеный кмин насыпуєме до мішков и перековуєме в холодном и продувном місци. С 1 гектара можна мати 600 до 800 кг. кмину.

Кмину уживаме до различных господарских цїлей, до печива, сыров, огурков и т. д. В большом количестві уживаме єго в водчаном и аптекарском промыслі.

Характерыстычне єст того, же кмин, котрый масово росне у нас на луках, спроваджаме с чужих краєв. Доказує того, же мы не умієме выкористати природных богатств нашої землі, бо иначе мы могли бы єго высылати. Результат того такый, же гроши, вмісто ити до нашої кышені, напыхають кышені чужих народов. Ци так повинно быти? Ци маме за мало рук до работы, або за дуже грошей? Ани одно, ани друге, лем не знаме, же и с кмину можна мати добры доходы и не умієме организовать продажи землеплодов. Организациом продажи повинни заняты наши кооперативы, котрым легче ввойти в порозумленє с гуртовниками и зелярскими кооперативами.

Мусиме глядати новых дорог, єсли стары завосли копривом. Мусиме с енергиом и віром пробивати ся через житє ку лучшой и яснїйшой долї!

Ратованє дерев потрісканых от мороза.

Остры морозы, якы были в зимі 1928:29. выморозили у нас много овочевых дерев. Одны выхли цілковито, а на других потріскал глубоко пень, в наслідок чого дерева хворіють.

Дерева такы можна однак выкуровати. В той цїли треба берегы шпары выгладити ножом и шпару поглубити так, штобы по крайной мірі сягала на 1 сантиметер в глубину дровна. Шпару треба выробити в виді клиноватом. В так приготовлену шпару вкладаме сухой мох, убиваючи єго сильно тупым деревяным клином. Мох такый мусит цілковито выполнити шпару, штобы соки с дерева не выливали ся через шпару. Мох не може выставати с дровна и находити ся в партии коры, бо росходит ся о того, штобы над шпаром выросла нова тканка лыка и коры. Штобы того заросло якнайскорше, не треба шпару занадто росширять. Жолобок над мохом треба заліпити грубом верством папки, зробленной с глины и свіжих коровячих отходов и овя-

зати пень шматом.

Єсло трещина єст неширока и такую операцию переведе ся вчас на весну, то уж по першом році пень дерева зросне ся. Можна того однак зробити и тепер, але кора зросне ся аж в слїдуючом році. Понятно, же мох остане по заросненю коры в середині пня, але того не шкодит дереву и дерево може розвивати ся дальше.

В селі Нова-весь новосандецкого повіта
отбуде ся

ДНЯ 26. ЛИПНЯ 1936 о год. 4-ой

Обще Собранє
ЧЛЕНОВ ЧИТ. ИМ. М. КАЧКОВСКОГО,
на котра запрашаме доокрестне селянство и интеллигенцию.

За выдїл читальні:

Секретар: Предсідатель:
Захар Дрожджак Петро Маркович.

Не хōтят целибату.

Львовскы газеты доносят, же клерыкы во Львові не хотят высвячати ся в целибаті. В прошлом році окончило богословскы науки 58 богословов, а с них лем 9-ох высвятило ся в безженстві. Решта (49) не хоче подписати декларации безженности.

ЗАПЛАКАЛА УКРАИНА.

Напишу вам рускы лемкы дашто со Щавника, Бо так тихо все сїдити, то біда велика. Оповім вам, як со села Украина втекла И на гору Яворину заразу завлекла.

Оповім вам, як в нас тоты „самостійні“ живут И як они Украину по горах будуют.

Бо по селах уж не можут, не мають той силы, Бо читальні Качковского цілком их розбили. Не мог того их пан доктор с Мушины стерпіти,

Скликал до Злоцкого „зборы, — як „неньку“ лічити;

Сошли ся там стары бабы, начали плакати, Може треба пане доктор дачим смаковать, А пан Петрусь Бородатый такую раду дає, Летте-ле до Кобанього, он лікарство має.

А Кобані на того всьо так им отповідат, Же на селі Украину уж ся спасти не даст; Хапайте ся где кто може и несте на горы, Там ся найдут мудры люды и добры докторы. И вынесли свою неньку аж на Яворину И начали єй робити там добру гостину: Со Злоцкого штыры бабы вынесли адзимкы, А щавницкы аж пят хлібов взяли от жидовкы Але внет им того бракло и тых пятах хлібов, Розбіжали ся по кряках, назбєрали грибов.

И якоси того вшитко перебідуєме,

Нашу неньку Украину ту побудуєме.

И начали там на вершку барз галасовати И кричати и йойчати и вгору скакати, И скакали вшиткы разом, молоды и стары В середині на купині Украину мали.

Кума Наця им повідѣт, уж час дою ити, Але як же саму неньку ту в лісі лишити, Кума Таня и с Антошьом одно слово рекли

Взяли за хвост Украину, дою ю повлекли.

По той цілой комедии ся поросходили, Смутны они идут дою, бо „неньку“ втратили. „Наська ненька“ уж на Лемках сромотно пропала

Так ю гнали с села хлопы — же аж заплакала.

Михал Пел.

Дня 19. липня 1936 чит. им. М. Качковского в Лосю устроює

Талергофске торжество

со слїдуючом програмом:

- 1) о год. 9 Богослужєнє
- 2) „ „ 10:30 Посвяченє креста
- 3) „ „ 11 Поход на кладбище
- 4) „ „ 11:15 Панихида.

В часі торжества слїдуют промовы, декламации и пописы хоров. О численну участь доокрестных селян и интеллигенции просит

Выдїл читальні.

Што чути в світі.

С Єрусалима доносять, же в Трансйорданії приготують арабы оружне повстанє. Около 60 тысяч Бедуинов наміряють перейти через Йордан, шобы помочи палестынським арабам в случаю, если жаданя арабов относительно задержаня емиграции жидов до Палестыны и заказу продаваня им землі не будут узгляднены.

Льондон: Негус выслал до Лиги Народов ноту, в котрой заявлять, же одыноким легальным правительством в Абисынии єсть тимчасове правительство западной Абисынии и же он сам буде продолжати борбу о независимость Абисынии. Негус звертат ся до членов Лиги Народов о гроши и оружє.

Нью-Йорк: В осени т. р. припадають новы выборы на президента Злученых Держав Амерыкы Полночной. Теперешный президент Рузвельт принял кандидатуру и віроятно буде выбранный знова президентом, хоц одержит значно меньше голосов, як перед 4-ма роками.

Льондон: „Daily Telegraph“ доносить, же стан совітской авіації увеличил ся за першу половину того року о 72 0/0. Начальник совітского авіаційного промысла Каганович заявил, же Совіты мають достаточне число самолетов для обороны своєго краю. Совітскы самолеты будут літати чимраз выше и скорше. Фабрыкы самолетов в Совітах сүть тепер найбільши в Европі и Америкы.

Москва: Цікавы рекорд осягнула в Совітах противгазова колумна, котра вытревала через 10 дней в противгазовых масках. Маски знимано лем в часі їды и в цілі их обмыты.

Париж: Помимо частичной ликвидации штрайково руху во Франції число штрайкующих работников выносит ище и тепер 160 тысяч людей.

В Женеві выкликала занепокоєнє вість о приготуваннях до привернення монархии в Австрии и обсаджєня престола Габсбургом. В ділі том мало наступити порозумлєнє меже Німеччином и Италиом. Премьер Францим Блюм и министр заграничных діл Англіи Іден постановили выслати до Австрии остереженє, грозячи, же в случаю привернення монархии французскы и англицкы войска обсадят цілу терыторию Австрии.

Льондон: Газета „Manchester Guardian“ подає цікавы цифры, относячи ся до темпа авіаційного вооружєня Німеччины.

С початком т. р. Німеччина мала 1200 самолетов лєнєвых и около 1000 резервовых. Крім того мала она около 250 самолетов, котры могли быти отданы до распорядимости войска.

В маю была продукция увеличена. В том місяці выбудовано новых 250 самолетов, а в червні додано до того ище 250. Тото темпо має быти удержане.

Воєнне німєцке начальство рішило осяг-

нути с початком 1937. р. 3300 самолетов лєнєвых и 2800 резервовых. Скорость бомбовых самолетов выносит 300 км., а скорость прогульковых апаратоа 340 км. на годину.

Німєцкы самолеты лєнєвы сүть організованы в 110 ескадрах. В початках 1937 р. ескадра має мати по 15 самолетов. Розбудова німєцкой противлетничой обороны поступат в ровном темпі. В р. 1937. Німеччина має мати 30 вышколєных и цілковито выпосажєных полков противлетничой обороны.

Вісти с краю.

Варшава: Пан Президент Р. П. зарядженєм с дня 27. червня закрыл незвычайну сєсию Сейма и Сената.

Варшава: От дня 1. липня обовязує новый ціньник соли. Ціна соли білої не може быти вышєа от 32 гр., а соли чорной 22 гр. за 1 кг.

„Свято Моря“ обходили в том році торжественно в цілом краю. Пан Президент Р. П. выголосил промову через радио с Крыницы. В Гдыні выголосил долшу бесіду вице-премьер инж. Квятковский.

Варшава: Ведля статыстыкы вывезено в червні с Польщи до Німеччины льну за суму 400.000 зл. На місяц липень сельскы хозяйственны кругы выступили с внесєнєм поднести контынгент вывоженного льну до сумы 600.000 зл.

Варшава: Рада Министров постановила откликати карны санкции, приняты против Италии перед роком. Вість тота вызвала оживлєнє серед купцов занимающих ся торговльом с Италиом. Особенно оживили ся импортеры полудневых овощей. Крім того Италия веде переговоры в ділі закупу угля с Польщи.

Львов: Дня 1. липня на почві борбы о условия работы дошло до розрухов в маєтку Тулигловский Остров коло Рудок. Там пришли на работу люды с других по-

вітов. Місцеве населєнє не хотіло допустити их до работы и жадало их выдалєня. На той почві доходило до биток и авантур, котры споводовали перерванє работы в поли.

Прикликанный на місце одділ полиції был заатакованный через толпу. Змушений, начал стріляти, в результаті чого убито 7 и ранено 3-є людєа.

Познань: На дорозі Варшава-Познань мала місце дня 1. липня желізнодорожна катастрофа, в котрой згынуло 2-є людєа, а 12-теро єсть тяжко ранєных.

Причином катастрофы был новыи росклад їзды желізниц, о котром ведучий поїзд машиниста ище не знал, и отвітно старому роскладови вїхал в Гуткові под Кострыном на бочный тор, шобы пропустити заграничный експрес. Тор был замкнєный и льокомотыва выскочила с шин и упала с насыпу, потягаючи за собом 5 вагонов. Льокомотыва перевернула ся и зарыла в землю, розбил ся багажовый вагон и амбулянс и потрїскали 2 вагоны першой и другой клєсы и одєн третей клєсы.

Убито на місци машинисту и експедиєнта амбулянса, а 12-теро людєа ранєно. Ранєных перевезено до шпиталєа в Познані.

„Nasz Przegląd“ доносить, же в Сероцку дня 29. червня напала банда на жидов, котрых била без милосєрдєа. Также в Плонску были розрухы противжидовскы. В сєлі Кухары в ночи на 25.VI. выбито шибы в жидовских домах. Агитацию противжидовску спостережено также в Радомску, где арестовано инструктора польской партии народовой Асафата Стєйсинского.

Шаліючий бык убил хлопа. В сєлі Світі под Грудзьондсом хотіл хлоп выпалити знак на скорі быка. Бык с болєу урвал ся, порвал на рогы хлопа Виснєвского, выполєл єму внутрєнности и шмарил єго с таким силєм о землю, же хлоп умер на місци.

Шаліючий бык потолк также сильно другого хлопа Васновского, котрого отвезено до шпиталєа.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ
ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО,

НЕХАЙ ЯКНАЙСКОРШЕ

заасєкурує ся
в асєкураційном Товаристві
ВИТА И КРАКОВСКЕ
во ЛЬВОВІ

Асєкурацію приймають на цілої Лємковщині
представителі: гг. Осиф Яновицький — Крыница-Сєло и Михаил Перелом — Сянок.